


DCCCLIIII

Das dritt büch



Ludolphus Keyser Otten des ersten sun/nam zu der ee Idam hertzog Hermans von Schwaben tochter/vnd der schwacher lieff im das hertzogthum Schwaben, vnd ward er Marggrau in Oesterreich. Diser hertzog Herman hat sein wohnung gehabt zu Twiel im Hegow. Nach Ludolpho ward hertzog in Schwaben Burchhard der ander des namens/der hat zu der ee Hedwigen Keyser Otten des ersten enckel. Nach im regiert in Schwaben hertzog Henrich von Sachsen/vnd das villeicht in gestalt eins fürmünders. Nach im Otto Ludolphi sun. Nach Otten hertzog Conrad/vnd der starb anno 997. Auff Conrads kam hertzog Herman der ander des namens/der hert zu der ee künig Conrads tochter von Burgund. Nach im sein sun Herman. Anno 1042. ward Pfalzgrau Det/vom geschlechte hertzog Hermans/durch Keyser Henrich den dritten hertzog gesetzt in Schwaben. Wan Otto von Schweinfurt hertzog in Schwaben worden sey/ob er der jetz gemelt Det sey gewesen/hab ich sunderlichen nit gefunden. Anno 1048. ward graue Rudolph/des edlen grauen Cunonis von Rheinfelden sun/hertzog in Schwaben gemacht von Keyser Henrich dem dritten. Vnd als er nachmals wider Keyser Henrich den 4. ward zu Keyser erwolt/kam er in einem krieg vmb/anno Christi 1080. Do wolt sich hertzog Berthold von Zaringen eintringen in das hertzogthum/aber Keyser Henrich der 4. trib in darauff/gab sein tochter Agnetem herren Friderichen von Stauffen/vnd machet in hertzogen in Schwaben/anno 1080. wie vor gemelt ist. Dises hertzogen hauffrau ist vö dem geblüt Caroli Magni gewesen/wie die Geburt liny anzeige/vnd desgleichen alle ire nachkommen/doch durch weyblichen samen. Nun wollen wir von Keyser Henrich dem 3. weiter fürfaren nach der Genealogy oder Geburt liny/vnd anzeigen wie die letzten Hertzogen von Schwaben kommen seind von den Keysern,

Henrich

Henrich der dritt Keyser des namens

Keyser Friderich vossa/oder mit dem zweydrucken. Dv vnd sey von der Grauen von Bur

Otto Herzog von Graugund

Friderich vnd vor Achligen Land

Henricus Keyser des namens, Schwaben v König in Sachsen, etc. anno 1190.

Friderich Barbarossa Keyser

Philippus Hertzog von Schwaben, vnd Keyser vnd von Zaringen vnd von Stoben

Conradus Hertzog von Schwaben, als er hertzog Berthold von Zaringen vnd Durlach am hertzen erschlagen

